



'Nova Urbo'

UNUECO TRANS ĈIUJ KULTUROJ

"Kune por Eŭropo" / **KpEu** (Together for Europe – T4Eu) estas la movado, kiu organizis amasan eventon en Munkeno (Bavario) inter la 30a de junio kaj 2a de julio. Ĝi okazis sub la patronecoj de s-roj Jean-Claude **Junker** (prezidanto de Eŭropa Komisiono) kaj Thorbjørn **Jagland** (sekretario de Eŭropa Konsilantaro). En la unuaj du tagoj oni interŝanĝis spertojn kadre de la multaj forumoj kaj ĉirkaŭ 36 panelaj tabloj.



Kune por Eŭropo: **Renkonto, repaciĝo, estonteco**



Ekde 2004, tio estis jam kvaraa kunveno. La antaŭajn KpEu organizis en Stuttgart (2004, 2007) kaj en Brukselo – 2012 (samtempe kun lokaj renkontiĝoj en aliaj 152 urboj de Eŭropo). La ĉijara evento alfrontas kernajn defiojn de la kontinento: repaciĝo kaj frateco, subteno de la familio, protektado de homa vivo kaj de la naturo, justa ekonomio, solidareco kun la malriĉaj kaj kun tiuj troviĝantaj marĝene de la socio. Antaŭ ĉio, KpEu respondas al "kulturo de reciprokaj kontaktoj" per kiu unuopaj personoj kaj la popoloj pli bone konatiĝos unu kun la alia. Sekve ili lernas trakti la alian kun respekto kaj apogi en agoj por la komuna bono.

*Rezignacio kaj laciĝo ne apartenas al la vera animo de Eŭropo.
Eĉ niaj problemoj povas fariĝi fortaj inspiroj por unueco.*

"Nuntempe, pli forte ol iam ajn antaŭe, Eŭropo sentas la bezonon kunlabori por la unueco. Bedaŭrine, al ĝiaj gvidantoj ŝajnas manki la kapablo necesa por alfronti la plej gravajn defiojn" – komentis profesoro **A. Ferrara**. Tio estis aludo pri manko de la politikistoj kun vasta rigardo. Konklude li demandas: "Ĉu ni rigardas en malĝustan direkton? Eble ni pensas ke oni bezonas pli da politikaj gvidantoj anstataŭ aprezi valorojn de nia civila, pli juna socio – kun partopreno de junularo kaj ĝia politika kreivo. Ili facile imagos la t.n. Maljunan Eŭrokontinenton kiel la "novan" kiun ili fortigos per sia entuziasmo kaj energio.



Romano Prodi – eksa itala ĉefministro kaj prezidinto de la Eŭropa Komisiono

Sekve aŭdiĝis ankaŭ fortaj voĉoj de la junularo. *Mi sonĝas pri Eŭropo kiu estas amikema kaj malpli individueca. Eŭropo komenciĝas ĉi tie en mi, ĉar ankaŭ mi estas Eŭropo* – diris ĉeĥa kanbino Maria.

"Ni diru JES al pontoj de pardono kaj mizeridkordo, JES – por malkovri la riĉecon de europaj kulturoj, JES al kompreno ke - por krei unuecon - ni devas unue forigi multajn murojn, kiuj dividas nin" – tia estis alvoko de prof. **A. Riccardi**. "Kune por Eŭropo" arigis pli ol 300 kristanajn movadojn kaj komunumojn, kiuj apartenas al diversaj eklezioj en Eŭropo. Respekte al sia sendependeco, ili kreis la reton de kunlaboro por harmonie realigi la kongruajn celojn. Tiumaniere, ĉiu movado povas kontribui uzante sian specifan karismon same kiel la riĉa diverseco de eŭropaj kulturoj, lingvoj kaj regionoj. Respekto al tiu diverseco estas ĉiam subteninda. *Unueco realigeblas, kaj repaciĝo kun mizerikordo kreas la novan kulturon de bonkvalitaj rilatoj. Tiel malfermiĝas pli hela estonteco por niaj familioj kaj komunumoj, same inter la najbaroj kaj popoloj* – diris M. Voce, prezidanto de Fokolaro.

*

Tago tria / la 2an de julio 2016



Vespere en la tria tago (la 2an de julio) la kongreso kulminis per amaskunveno subĉiela, en la urba malfermita **Karlsplatz** (Placo de Karlo, la tieuloj nomas ĝin *Stachus*) – kun 5,000 personoj. La festeno daŭris ankaŭ en aliaj placoj kaj stratoj de la urbo. Ĉiu partoprenanto estis invitita subskribi la solenan devontiĝon por "esti katalizilo de la nova vizio

por Eŭropo".

Per malfermita dialogo kaj profunda kulturo, ni povas proksimiĝi al ĉiu homo, esti komprenema kaj - en kazo de malfacilaĵoj - helpi lin. Atestoj de amikeco inter la eklezioj kaj komunumoj konfirmis, ke "repaciĝo malfermas futuron".

Gerhard Pross el gvida komitato de KpEu deklaris: "Kvankam ni malsamas kaj estos malsamaj, ni volas vivi en unueco kaj estis riĉigitaj per tiuj diferencoj. Ni volas ekstendi tiun ĉi bonvolan mesaĝon tre diversaj urboj, en la tuta Eŭropo". La universala amikeca reto ekzistas jam 15 jarojn kaj vicprezidanto de la Monda Luterana Federacio, Frank **Otfried** diris: "Kiel eklezioj, ni spertas bonan kunlaboron kiu alportas realajn fruktojn – ni helpas la rifuĝintojn, ni preĝas kune por justeco kaj paco. Ni volas ke Kristo, kun sia mesaĝo pri amo al najbaroj, restu ĉiam grava centro de la eŭropa vivo".

Serafimo **Joanta**, metropolito de la rumana ortodoksa eklezio dividis la malĝojon kaj esperon de sia misio: "Ni bedaŭras, ke eksistas tiaj fortoj, kiuj subfosas nian laboron por unueco de la kristanoj, kio malbone influas la junan generacion. Tamen ni fidis ke la frateca reto helpas nian noblan strebadon". Poste venis la kortuŝa momento, kiam miloj de la ĉeestantoj deklamis unisone la universalan preĝon *Pater noster* (Patrina). Ĝenerala Sekretario de la Monda Konsilio de Eklezioj, Oav Fykse **Tveit** klarigis: Tio estas profeta signo de repaciĝo kaj pardono ka ni volas neniam ĝin forgesi".



Infanoj – la futuro de Eŭropo kaj de ĉiu familio, paŝetas tra la festa urbo. Ili ankaŭ partoprenis en KpEu.

Inter diversaj mesaĝoj kaj salutoj, sur grandega ekrano aperis papo Francisko kaj ekumena patriarko de Konstantinopolo, Bartolomeo. Per satelito ili esprimis apogon por la iniciato kaj sendis kuraĝigajn vortojn.



La finan deklaron subskribis kaj laŭte legis gvidantoj de la kristanaj eklezioj kaj eŭropaj komunumoj. Ili eksponis fruktojn de la komuna vojo kaj indikis la paŝojn, kiujn oni devas fari por la estonteco.

Ne ekzistas alternativo kontraŭ paca kunekzistado. Vokitaj por venki dividojn, ni devontiĝas labori por mondpaco kaj unueco de la homaro.

La konkluda mesaĝo : **Vizio de unueca Eŭropo**

- Ni antaŭvidas unuecan kaj multi-facetan Eŭropon, kun forta socia kohereco, riĉigita per kulturaj diversecoj. Niaj diferencoj ne forigindas sed estos valorigitaj. Ili ne plu kaŭzu timon aŭ konfliktojn.
- Ni laboros por Eŭropo bazita sur evangelia amo kiu vivigas fratecon, justan kundividon de varoj kaj rimedoj, liberon kaj egalecon.
- Malfermitaj al diversaj kulturoj kaj religiaj tradicioj, ni povas sproni kuraĝajn decidojn en ĉiuj kampoj de la vivo. Tia Eŭropo, sen eksteraj entrudoj, fariĝos mem la "heroldo de paco" kaj ponto inter la popoloj.
- Per ĉiutaga sindevigo ni helpos, ke honesta rekono de la pasintaj eraroj kaj reciproka pardono estu la sekura kaj firma vojo al paco.
- La konscio ke ĉiu inter ni estas individue unika, ebligas krei novajn formojn de respondeca partopreno en la vera demokratio. Kun la heredita socia voko, ni kapablas konstrui novajn rilatojn inter la civitanoj kaj institucioj.
- Nia vizio ĉirkaŭbrakas la tutan Eŭropon – de Atlantika Oceano ĝis Urala Montaro – kaj ni pretas ĝin servi por ke nia kontinento estu tradicie malfermita al mondo.
- Ni respondecas aktivos por protekti la human personon, kies dignon devas respekti ĉiu ŝtato, civilaj institucioj kaj religiaj komunumoj. Tio estas unu el elementoj de justeco, kiu pacon kondiĉas.

